

沈乃文 主編

明別集叢刊 第二輯

第九十三冊

黃山書社





国家出版基金项目
NATIONAL PUBLICATION FOUNDATION


『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第二輯

第九十三冊

黃山書社



(明)王寅著

十嶽山人詩集四卷
王十嶽樂府一卷

明萬曆程開泰等刻本

外附樂府名詞一冊

王十古公心訓集



新安秋閣書院藏板

十嶽山人詩集序

詩文之有聲韻者也即古之樂章奏朝廷薦宗廟者也虞之賡歌周之雅頌太和之蕢治世之音也茂以尚矣世至春穉而詩亡夫子刪之取其合於治世之音者三百篇名之為經以立萬世法其後至秦而詩多散失漢儒搜拾附會以足其數今觀國風多淫佚蕪褻之詞疑非夫子舊本不然則夫子當時以放鄭聲告顏子而樂記曰鄭衛之音亂世之音也桑間濮上之音亡

八序

國之音也亂亡之音夫子既放之而垂戒矣乃又取之以為經此理所必無也先儒乃從而為之辭曰惡者可以懲創人之逸志若果云爾則今之淫佚蕪褻之詞亦皆可采以為經乎漢晉詩人多不達此惟唐李太白不讀非聖之書其言多天仙之詞雖未必盡合於大雅而其天資俊逸真千古之詩豪也哉吾鄉十嶽山人王仲房高才奇氣屢試不第而迺暢不平之情以工於詩平生所嚮惟太白故其詩俊逸雅有太白

之風而理趣更多玄解泚泚乎追古之大雅矣予嘗慨大江以南號為聲名文物之區而晉唐詩人如曹劉鮑謝王岑李杜諸人多產于岱華伊洛襄樊之間江南故未有名家如諸人者豈江南為澤國迺不及巉崑曠宕之區所產者哉新都界在萬山中地勢之高古稱天上而黃山白嶽直與岱華爭雄長故今仲房之詩則可與太白相伯仲孰謂世之產才有不關於山川氣化者仲房性疎狂骯髒多忤于時縱縉紳先生折節與為知己者稍不合則飄然拂衣而去不復顧子與仲房為知己之深恐其詩篇久而散失也遂取其素所見者梓之以備後來刪述者評焉軍旅之暇為題數言首簡云

嘉靖癸亥年中秋日績邑梅林胡宗憲

八序

二

十嶽山人詩集序

十嶽山人者吾友王仲房別號也仲房有詩名在海內徃游塞上過淮安余時守淮遣人追之廣陵江上而仲房回山中矣報書曰公有向子平游五嶽之興乎不佞當爲禽慶交焉又數年余客瓜州汪司馬伯玉以書薦仲房于不佞而仲房不果來矣報書曰不佞有王子猷山陰之興乎公當俟異時雪夜焉又數年而仲房長逝矣余入金陵登孫楚酒樓酒樓久廢而仲房修序

序

一

之余登斯樓念仲房不休爲文記之海內同志謂余于仲房有生死交情之感焉有甥項思賢者高雅士也持仲房詩集而請曰徃吾舅存日愛明公之文不啻山斗倘借一言弁諸首舅氏死且不朽矣余取而讀之寄先大夫沔上及懷余蜀中詩皆余所未見者吾忍序仲房詩耶吾忍不序仲房詩耶竊嘆古人言人衆矣獨李杜以氣勝太白之豪邁不群少陵之深沉有致所謂光焰萬丈長歷千古而不朽者也仲房師供

奉而得其逸師工部而得其雄如集中所刻近體歌行是也大都仲房爲人磊磊落落如青天白日其胸中駕陵一世徃游塞上歷覽九邊有鞭笞匈奴之志少過夷門謂李獻吉之詩有李杜之遺者遂匹馬訪焉而獻吉大奇之以爲天下之士莫仲房若也今讀其所作稟經以製式酌雅以富言發揮造化之微鼓動江山之趣輾轢前古昭彰後來如百寶流蘇千絲鐵網倚密瓌妍要非適用又如淮陰將兵百萬囊沙背水

序

二

愈出愈奇俊逸如孫太初秀雅如張子言未有若仲房之氣也汪伯玉司馬曾爲仲房作傳言仲房博學而無所成名嗟乎仲房其節俠之流可名後世者耶昔太史公嘆孟嘗春申平原信陵之徒皆因其親屬藉于有土卿相之富厚招天下賢者顯名諸侯比如順風而呼聲非加疾其勢激也至如閭巷之士脩行砥名聲施後世是爲難耳余觀仲房生平設取予然諾千里誦義爲死不顧世此亦有所長非苟而已也寧獨

詩之可傳哉項生起謝曰布衣之徒欲砥行立
名非附青雲之士何可傳哉請書爲舅氏詩序
萬曆辛卯秋日五嶽山人沔陽陳文燭謨

陳氏

文燭

序

三

十嶽山人詩集序

新都人王子與武林人方子友也二子嘗異尚
王子喜俠嘗義氣自許把酒說劍談兵託是爲
樂樂之終身不厭也方子抱拙嘗游方之外閑
關迤墟據梧託是爲樂樂之終身不厭也及二
人樂而爲詩王子起而操觚則方子辟易退舍
不敢舐筆旣而方子拂楮則王子訢訢嘖嘖輒
加擊節二子私相謂曰子書成予序諸子書成
子序諸一日王子黻其篋篋充然滿也謂方子
曰此非敝帚與予將投諸壑攸氏可乎方子勞
之曰嗟嗟王子恥以一藝名世乎顧序而布之
在我王子曰序謂何方子曰詩象物者也奚謂
言志哉昔人嘗曰少陵聖乎太白仙乎長吉鬼
乎元庸乎白俗乎言此數子象茲數物者才之
謂也非志之謂也予嘗觀子其氣豪是俠氣也
其語壯是俠詞也其調縱於而弗拘是俠風也
子旣以豪氣鑠予以壯語怖予以逸調炫予宜
予之辟易退舍也王子咲曰聞子之論子誠拙

與予誠俠與子方事據梧而瞑而予獨以俠鳴
予其獲已諸

嘉靖癸亥年仲秋二十四日武林八社友人十
洲山人方九敘禹績

八序

王仲房傳

邑人汪道昆著

余家食業已聞王仲房比釋事歸乃益相習王
仲房者吾郡中倣儻人也父賈淮北納高氏姬
舉仲房於淮仲房名寅命曰淮孺少年英氣勃
勃自負具文武才時李獻吉居大梁以著作傾
當世士而少林諸僧習兵杖則扁鵲最精於是
仲房馳一騎謁獻吉大梁會獻吉留關中不至
居大梁一月則之少林扁鵲遂以其術授仲房
傳

什得五六及還歛補縣諸生頭獨攻古文詞不
喜舉子業時處士程自邑從獻吉受詩詩名大
起仲房則以自邑由獻吉重其人易高乃約客
賦詩黃山白嶽間仲房爲約長郡中善詩者悉
多仲房諸少年且北面之矣太守余公入郡蓋
夙知仲房名將授室仲房遣其二子受業仲房
不欲也謝曰母在寅未能從公子游於是余公
過仲房於家遺之金供母肉帛部使者劉公行
縣試諸生詩得仲房乃大喜引居門下從劉公

太平太平守請以郡沒青山田餉仲房凡數百畝仲房不可終不以諸生困故受他縣人田乃著別青山賦留舍中竟拂衣去劉公聞之自喜曰存德奈何從海內得王生將言王生於朝請得以布衣召用會劉遷去不果聞督學使者黃公合試七郡諸生則仲房舉首且超格授廩仲房固辭黃公笑曰此何辭他日其毗上書願得超貢如嘉靖初法貢且及子會黃遷去又不果聞仲房歎曰人生駒隙耳奈何以是儻然者

傳

二

受命造化小兒吾將爲采真之遊矣乃求異人冀得不死之藥然卒無驗卽其家益貧海陽令林君急仲房屬邑中富人奉百金爲壽明日仲房往謝卻其金令私語富人仲房義不受金爲之置蒸嘗之田十畝其後仲房棄諸生籍周游吳楚閩越名山遠覽冥搜不遺餘力得當意居旬月而後返不問家所至則縉紳大夫爭致仲房惟恐不饒而滁陽胡莊肅中都劉晉初廣陵朱子份晉人喬景叔秦人馮汝強馮汝言浙人

蔡子木徐子與童元功方禹績蜀人毛元喜相結甚驪仲房獨出入諸沙門不喜就館穀卽不自給務傾身振人之窮中年喜談禪習內典嘗執弟子禮禮古峰禪師長跪請曰寅往往遇異人無如師者師將安之師曰吾徧游海內五嶽者三乃今將歷海外五嶽而後出世仲房愈益嚮慕因自號十嶽山人云及海上用兵仲房客督府尚書胡公所諸客率詣事督府仲房以謬謬獨聞督府多蹴節又不納仲房言竟以敗仲

傳

三

房西入歙家猶故貧就里中營佛子軒好佛愈甚會鄰省賊起數窺近關仲房客項氏家卒聞警諸項皆走匿不者箕踞自如仲房誓之曰卽賊乘夜至公家爲墟第聚族爲先聲毋自及也賊知其有備乃引去頃之賊復起土人匿不以聞仲房馳書告有司屬郡從事縣簿二人部民兵往賊且近按兵不行仲房入軍中讓曰公等不扼賊於險逗遛里中脫賊踰嶺長驅是以險予敵也他日簿責公等其將何辭第勒兵鼓行

賊且望風卻矣從事簿皆曰善乃乘連嶺賊聞之卻如仲房言會浙兵追賊及之遂殲盡里人語曰山人故喜子房畫策乃字仲房使果在行間於緩急何有仲房笑曰非吾事也吾逃儒入老逃老入禪乃今無所逃矣汪道昆曰人言仲房才高獨達巷黨人猶有遺論夫名者實之賓也有道者逃焉古人不得志則龍蛇無用名矣世鮮知仲房者顧獨知仲房詩仲房嘗言知我者希則我者貴由是則可以成名而有不屑也

傳

四

隆慶元年長至日



十嶽山人詩集卷一目錄

樂府

東門行

棄婦吟

關山月

折楊柳

易水歌

短歌行

綈袍吟

蘇小小墓

悼虎篇

大堤曲

修城謠

鄰賊謠

門前路

有所思

六卷一目錄

塞上曲 三首

任俠行

懷俠行

結客少年場

飲馬長城窟

惡少行

將進酒

行路難 三首

寄遠曲

斧水曲

隙憾歌

平夷大合鼓吹 十五

邑侯陳公禱雨謠

孤兒行

賢節吟

節孝吟

節孝吟

五言古詩

廣情詩二十八首

七懷

任公釣石

詠要離

圯上

豫讓橋

詠陶潛

過任城登太白酒樓

石耳峯上雲

濠梁

售寶刀

游山詩七首

留竹軒七首

送王德仁侍御謫肝江四首

入卷十目錄

二

松花吟贈鮑子尚

詩寄吳惟善山中乞松花

送江民璞北試三首

寄童仲良侍御

寄東寧廖廉使

姑孰留別巡按沂東劉公三首

雨中盛仲交過訪冶城宮

陳情提學翠崑黃公

彈琴篇贈王元靜建陽舟中

偕項思湯入雁宕憇能仁寺日暮予渡錦

溪觀大龍湫返武夷七詠

嘲友人

乳虎辭贈汪奉謙

園居除夕喜程師道至二首

謝程太真贈豹皮得新交程巨源書

早春程師道來訪贈姪孫守貞

過宣城不遇汪中丞廷德留題翠微禪菴

寄邢慶元

送方子楫游武陵

草創大還贈青城毛太史

飲同甫梨花下

入卷一目錄

三

大梁喜鄭子陽宋中至

贈倜儻生

武林城東園月夜童希臯送酒至

寄陳天錫括蒼

病起走西湖探芙蓉留醉酒家

顧瀛梁文憲從胡司馬西征附書信州守

江民璞

送項思湯北上

武林逢程來鳳自括蒼來

稚子釣魚

婚嫁詩

解憤

七夕園居懷方時文

臨安逢蔡士英大梁來

題岳東伯秋山圖

燕京再送伯玉司馬行邊 三首

東阿道中見杏花 呈邑侯李公三首

送邑侯李公北上 四首

五游篇贈姪士龍

予時樵居東山得伯章書報惟順臥病定

光寺賦詩寄慰 謝江王卿贈石

下卷一目錄

四

獨坐隱園舊日燒丹處有懷兄惟敘

送姪琬遊魯 戒酒詩贈何叔度

觀南原嶺北飛泉 金雞石

入南原 五首

贈鮑正卿彥卿憲卿兄弟

讀蘭亭詩視桓叔

期孫子真遊鄭仙姑洞

託金修之寄漢芝山靈之作

耕野詩爲姪仲昌賦

送程士元遊梁

十嶽山人詩集卷二目錄

七言古詩

五嶽歌 五首

劉將軍席上贈画師方痴

送許德先遊楚

過訪張濟之觀唐伯虎松陵圖

揚州酒家贈趙二玉賓

謝汪德弘画松

謝吳汝復秀才送黃山佛面竹栽隱園

上卷二目錄

一

時客長干寺謝姚光虞贈古松圖

三神山歌爲楊伯海賦

夜夢寶刀行

海嶽尋仙歌贈唐啓潛

金陵寄許絳州

公子行贈汪子登止上

遊石岫山仙窟 金婆樓行

相逢行贈閔大 華亭馮御史席上

王子新席上贈馮汝強

金陵苦雪簡金子坤

席上謝馮戶部汝言

贈汪大元蠡
鼎湖行

丈八矛贈樊大

朱子价禮部席上分贈滇南檳榔十口兼

長歌二十六句率爾成篇謝之

謝劉山人画贈黃雀

元蠡來別潭上

恒山歌送曹掌教之真定別駕

八卷二目錄

過胡丹丘藥室題呂仙圖

武林梅雨留孝甫

訪楊斗門城東書画樓留酌有懷詹伯章

漁人徐文練網得赤鯉贈予爲賦赤鯉行

以謝
賦朱允恭川上桂

贈東林老人項應衢

夢白堂爲汪仲淹賦

古爵吟爲汪蔚宗賦

贈劉画師同源
亞父墓

恩怨吟

謝吳秉之寄贈王圖書

三醉圖

邑侯中齋林公枉駕隱園失候

謝烈婦斷石吟

寶劍篇贈邑侯南沙熊公

病夫吟

醉隱歌爲姪孫莘老賦

紫雲庄贈二樵山人洪汝方

八卷二目錄

訪宣允則河上樓
贈星士周若水

薛家墩酒家贈詹子儒

毘陵官舍送余伯誠德升兄弟還龍城

莊玄育席上贈楊子充

金陵逢吳子充
登石門絕頂

王工部西園席上
贈鮑一鳴

宿吳次魯巢雲軒
方介嶺

苔海陽林明府騰蛟登凌波臺

相逢行贈盧次梗

送潘象安讀書之采石

寶刀篇贈汪仲樂北遊

送管舍人子謙北試

謝按察使胡公柏泉送酒錢至

武林留別浙東副使劉公

送張公子孺穀落第還四明

席上吟贈汪襄陽伯玉

題洪守貞家藏張路椿萱圖上有左國璣

詩

維揚留別虎臣

八卷二目錄

四

送沈嘉則遊閩謁汪中丞戚都護

武林送元蠡從軍晉陽

錢塘潮送俞子自還處州

座上吟贈王鳳洲麟洲二使君

送管太學游蜀

送潘象安三游燕臺歌

箭月歌

送鮑子良隱居龍山兼呈淳安鄭明府

贈魏郡守王陽德 梁燕二子歌

薊門逢行甫

謝方景武雙吳鉤

三屯營留別郭建初

買刀篇

燕京逢張孺穀

黃金臺

匣中劍贈畢汝光

趙樅江席上聞談龍眠山賦詩定約

椿萱圖壽邑侯李公二尊人

賦孫從理溪上石

謝陽谷方方伯贈點蒼山石

寄倪石洲兼懷亡友王武師

不卷二目錄

五

胡少保新祠行

峇贈謝蟾臺還建寧

謝姪孫可則贈古鏡

瑞卿席上賦石屏歌

夢萱吟爲友人程克正

賦寄戴使君渾渾菴

登金吉夫望瀛樓

吳興金婆樓逢孫從僕留飲

藝茶行

望岱吟寄蹇理菴副使魯中